

當陽縣志卷六

武備志

兵防

天生五材誰能去兵百年不用可也不可一日而無備邑介荆襄鄖宜之交爲用武之國分防兵額足以資彈壓供急遞耳卒有烽火之警則此地首罹賊禍而後援之以兵蹂躪之餘繼以轉運民不堪命往事其前鑒矣思患預防則守禦之不可不亟講也志兵防

當陽縣志

卷六

武備

兵防

遠安營分防當陽各汛塘共一十五座馬步兵共一百三十六名

駐劄當陽城汛

領哨千總一員

協防右司外委一員

駐防馬兵八名戰兵六名守兵三十六名

駐劄清溪河汛

協防左司外委一員駐防守兵八名

駐劄河溶汛

前司把總一員

駐防馬兵二名戰兵四名守兵十九名

分防各塘兵

慈化寺塘守兵四名

官塏塘戰兵一名守兵四名 以上東南路

易家坪塘守兵五名 南路

普通寺塘守兵五名 西南路

蓮花坪塘戰兵一名守兵四名

玉泉寺塘守兵四名 以上西路

當陽縣志

卷六

武備

兵防

二

七孔岩塘守兵三名

峽口塘守兵四名 以上西北路

張王廟塘戰兵一名守兵三名 北路

清水舖塘守兵四名

鴻橋塘守兵四名

漳河口塘戰兵一名守兵四名 以上東北路 按北路舊有塞口山

塘乾隆中縣令衛肅以巡檢司移防河溶而漳河口密邇深山易於藏奸移塞口山塘於此

急遞舖

原設馬三十二匹雍正十年裁減八匹乾隆三十三年奉文全裁

總舖在城

東南通荊州曰金沙鋪按舊有合
溶鋪後裁

西通宜昌三鋪曰黃沙曰玉泉曰蓮花

西北通遠安三鋪曰梯子曰峽口曰馬家

東南通荆門三鋪曰清水曰桑林曰鴻橋

按邑之兵制宋時隸荆門軍明成化初鄖賊劉千斤之亂都御史白圭奏撥遠安千戶所官兵一百名輪戍當陽萬歷時都御史孫應鼈奏請撤回明季流寇之亂生民荼毒當邑尤甚無防禦故也我朝定鼎初西山餘孽時出爲患順治十年始撥安協

當陽縣志

卷之六

武備

兵防

三

中軍一員來邑駐防康熙五年改撥荆門營守備六年改設把總十年仍以守備駐防十八年復改把總二十年始撥遠安營千總一員把總一員協防外委二員分汛駐劄共馬步官兵一百三十六名至今因之

民壯附

邑之民壯原編一百名除扣解辰州軍餉十一名扣解安陸府貼役十名又奉文裁減十九名所存聽役尙六十名後復奉文裁減實存民壯十八名詳賦役

志

舊志論曰民壯古之鄉兵也募民間之壯者爲之而領之以主簿其器械皆自備無事則擇其尤者守城池護庫獄有警則策以應敵此民壯之舊制也屢奉裁減所存惟供縣役非復昔之民壯矣附載於此以備參考

保甲附

當邑城鄉四十八總總設鄉約一人或二三人保正二三四人不等每十家爲一牌十牌爲一甲有甲長

當陽縣志

卷之

武備民壯

四

牌頭輪流充當其鄉約保正令紳耆公舉驗充三年更替凡例禁之事責令稽查首報至於衛所軍戶或另設軍保或歸民保清編各總稍有不同

按周禮大司徒施教灋於邦國都鄙使之各以教其所治民令五家爲比使之相保五比爲閭使之相愛四閭爲族使之相葬五族爲黨使之相救此後世保甲所自始宋王安石祖其意籍鄉村之民二丁取一十家爲保保丁皆授以弓弩教之戰陣其要在於訓練齊民使皆可用以減募兵紓民力

頗得府兵之遺意有司奉行不善未收實效明王
守仁撫贛時檄各屬嚴行十家牌法令居城郭者
十家爲甲在鄉村者村自爲保各自糾舉分別懲
治奸宄無由藏匿所至削平諸賊及蔡懋德備兵
嘉湖倣之爲簡便保甲法亦有成效至我

聖祖仁皇帝諭訓諳諳於保甲尤爲急務至乾隆十七年
本省臬司明德議刊條規嚴行清編二十二年又
總督莊有恭咨清徹底復查其要在責成道府督
率所屬無分城市鄉村水陸居民及雜色人等俱

當陽縣志

卷六

武備

保甲

五

造入煙冊每十戶爲一牌有牌頭十牌爲一甲有
甲長而率之以保正其牌頭照舊輪流承應保正
甲長令紳耆公舉點充三年更替凡例禁之事責
令稽查首報條規最爲明備至今因之

寨堡

當邑西北岡陵東南川澤人煙散處無大村落
歷代流寇之亂居民或因山爲險或阻水爲固
適足以禦小醜耳至

國朝嘉慶初教匪滋擾奉

旨山地則扼險結寨平地則浚濠築堡務期聯絡聲
勢與官軍相犄角此寓兵於農之至意亦堅壁
清野之良法也承平日久其遺址猶有存者著
之於篇以示安不忘危云爾志寨堡

當陽縣志

卷六

武備

寨堡

六

百寶砦在治西北五十里四壁峭削下瞰沮水山下
爲通遠安大道

觀音砦在治西北五十里形如頓鼓四面壁立石工
於山腰鑿路架木爲梁乃得上明季邑人史孔修
重修上有觀音廟故各彝陵葉太史鐵菴撰有碑
記咸豐初年重修爲西北砦垣之冠

擊鼓砦在治西北五十里峭壁摩空後臨沮水嘉慶
初教匪之亂居民憑險其上數年始歸咸豐二年
重修 以上三砦鞏河總

揚旗岩在治西北四十里鞏河三洲黃連交界處
山形如獅高五六里躡其巔東望荆門塔山西望
彝陵巫峽諸峙在目青溪玉泉列其南沮水繞其
北形勢最爲險峻上有廟曰祖師殿歷代流寇入
境三總之民扼險於此得安堵焉

朝陽岩在治北六十里山勢陡峻上可容數百家咸
豐二年重修

汪家岩在治北六十五里咸豐二年重修

紀公岩在治北七十里距汪家岩十里有警則互相

當陽縣志 卷之六 武備 寨堡 七

聲援頗得守望相助之意咸豐二年重修

趙家尖岩在治北七十里上可容數百家咸豐二年

重修 以上四岩三洲總

胡家大岩在治北七十里咸豐二年重修 黃連總

雲臺岩在治北八十里山勢聳特上有祖師廟咸豐

二年重修

武安岩在治北八十里本武安山峭壁凌雲形如浮

圖登其上可眺江流歷代恃以禦寇咸豐三年重

修

馬甲砦在治北九十里四面壁立高入雲霄上可容數千人石垣重門最爲險固咸豐二年重修

五雲砦距馬甲砦七里山小而銳壁立千尋咸豐二年重修
以上四砦呼兒總

大砦在治東北七十里

馬頭砦在治東北八十里

馬安砦在治東北九十里

白馬砦在治東北一百里插桅溝之西明季流寇之亂有教諭職王任乘白馬上砦任斃於賊馬奔入

當陽縣志

卷六

武備

寨堡

八

砦賊追至見砦垣有赤人持大刀往來巡視賊大驚遁去砦中人俘賊問其故共以爲神

魏家砦在治東北一百里

五峰砦在治東北一百里四面壁立下瞰漳水插桅溝環其北小漳河繞其南頂有五峰上可容萬人爲漳水上第一險峻咸豐中修

栗林砦在治東北一百里咸豐二年修

葛家砦在治東北一百里

寶石砦在治東北一百二十里
以上九砦漳河總

祥雲岩在治東五十五里香爐總

方山岩在治東四十里清溪之南

牟家砦在治東北四十里

向家砦在治東北五十里

井溝河砦在治東北五十里

歇馬砦在治東北五十五里

長岡嶺砦在治東北五十里

周家灣砦在治東北六十里

茶葉觀砦在治東北五十里

當陽縣志

卷六

武備 寨堡

九

獾子山砦在治東北五十里

以上八砦鴻橋總

尙家砦在治東北五十里

將軍砦在治東北五十五里

樓子砦在治東北五十里

鴉子山砦在治東北四十五里

扎營砦在治東北五十里

五岳砦在治東北五十五里

回紫砦在治東北七十五里

萬丈砦在治東北八十里

尖山砦在治東北八十里 以上九砦海堰總

漳河口土堡 今圯

合溶土堡 今圯

當陽縣志

卷之六 武備

寨堡

兵事

邑在荆峽之交為用武之地歷代烽火頻警生民塗炭事紀載之詳矣其前代戰守之事及

國朝翦除餘孽平定小醜凡在邑境有關於軍政者備載於此亦可見用兵之方略焉志兵事

宋末襄樊陷荆州守臣張夢發陳危急三策其二曰城荆門軍當陽界玉泉山增

明崇禎七年春正月流寇陷縣城署縣事之府照磨何失名代理典史之經歷沈失名漳河口巡檢司徐萬

當陽縣志

卷六

武備

兵事

十一

化死之居民死傷甚眾會鎮守副將楊正芳率步卒五百人兼程進剿賊眾宵遁邑人建楊公祠以祀之詳見古祠舊志

十一年賊伏西山時出焚掠巡撫方孔炤駐縣堵剿楊羅二將追賊至黃蓮坪食盡道窮戰死舊志

按楊羅二將舊志闕名今查東湖縣志軍政內載崇禎十一年督師楊嗣昌駐彝陵明年賊犯

境檄副總兵楊世恩荆門州守羅安邦赴援云云或即此二人附載以備參考

十三年巡撫宋一鶴監軍道孔貞會督理京營太監
劉元斌總兵孫一元以兵駐縣進剿賊隊逼近邑
境時爲官兵所獲九月招降賊目白貴駐劄乾溪
一帶以資捍衛 舊志

十四年春二月張獻忠自蜀中東竄時督師楊嗣昌
困獻賊於梓潼賊宵遁督師偵得之度其間道於
某日可抵當陽傳檄下縣預爲之備屆期果至賴
都司楊治及降營白貴等力守縣城賊不能下

國朝順治三年丙戌春大軍由縣入山追賊至遠安還

當陽縣志

卷六

武備

兵事

三

七月招降賊目廖得勝鎮縣復叛安陸副將賈三
省以兵過縣追之

四年丁亥闖賊餘孽一隻虎入寇至合溶鎮旋退又
土暴周國西與叛民周宗習據百寶砦將作亂知
縣孫茂槐單騎上聞檄安陸協鎮唐同荆將呂破
砦斬之餘黨平

順治五年戊子春西山土暴復亂知縣扈坤遇害守
道石巡道李副將萬率兵至縣聞賊酋伏誅引兵
還七月虎賊陷宜城往還皆經當陽境內苦之

順治六年己丑虎賊出遠安逼近當邑荆鎮總兵鄭
四維會兵堵剿大破之乘勝窮追其部將呂騰蛟
戰死

順治十年癸巳虎賊餘孽李來亨突出當陽劫掠清
溪一帶荆將汪吉追戰死之自是荆鎮發兵輪戍
遠安邑借為蔽以上俱舊志

順治十四年春荆鎮遊擊黃名世以兵屯向家坂在
西北鞏河總見荆州府志賊夜襲其營守備劉某戰死

康熙元年壬寅李來亨等盤踞竹房與巴一帶憑險

當陽縣志

卷之六

武備

兵事

十三

不下至此二省會剿秦軍上庸蜀軍巫山楚軍當
陽轉輸絡繹兵夫不下數十萬二年七月我師退
保當陽冬益以

禁旅復由當陽進二年秋大破之掃穴無遺類是時
地小事繁夫馬征徭本邑為最舊志

嘉慶元年教匪陳得本劉秀石等嘯聚千餘人由東
湖竄入邑境二月城陷典史馬棟死之知縣黃仁
尋遇害城內士民抗節捐軀者甚眾時賊勢方張
將復南竄及聞遠安賊首趙之國至乾溪為鄉團

所滅自荆門來者亦被鄉勇遏擊外援遂絕乃踞
城不敢出總督畢沅侍衛將軍舒亮以大軍至四
面攻擊城中食盡七月破城滅之事聞所有出力
之官紳兵勇及陣亡殉難者 賞卹有差詳人物
志

二年賊首姚之富齊王氏王廷詔由歸巴興山東竄
將軍明亮參贊德楞泰以大軍追勦水陸並下約
夾擊於當陽賊分二隊後隊王廷詔將趨當陽巡
撫汪新分兵守當陽東湖以防荆州

當陽縣志

卷六

武備

兵事

十四

三年春賊首張漢潮劉成棟等眾數萬竄入楚境邑
民戶出一丁同戍遠安之西風埡三月賊眾大至
奪險而出卡勇死者甚眾賊突黃連寺而東掠涪
溪河而南至楊家港冒官兵旗幟晨趨河溶巡檢
夏永謙死之居民及鄉勇死者無算賊四出焚掠
南至柘林灘折竄而東五月五日賊踞觀音寺連
柵數十里威勇侯額勒登保由襄陽水陸並下邀
擊於南漳斬獲大半餘賊北竄是時縣城戒嚴賊
聞有備不敢近

四年賊首徐天德由南漳竄當陽將向荊州將軍明

亮總兵孫清元迎擊於天柱山在治東五十里斬獲大半

時漳河夏漲賊不能西渡乃沿漳北竄官兵追至

觀音寺遇伏賊於楊公橋旋追勦入南漳山中

五年春教匪竄入楚境當邑及宜都鄉勇同守東湖

之宋家壩邑紳樊安邦領其眾賊初不敢近會天

大霧賊冒霧度險出其後卡眾失利紳勇死傷殆

盡總兵孫清元以大軍至賊遁八月賊復由故道

出邑令汪雲銘率鄉勇防堵甚嚴賊循西山經遠

當陽縣志

卷六

武備

兵事

安而北自此境內無賊蹤民獲安堵云

咸豐四年夏廣匪上竄昭通鎮王國才迎擊於江陵

之龍陂橋大破之餘賊千餘人竄至合溶繞縣城

而西黃石總保正黃義盛以鄉勇邀擊之尋遇害

會鄉勇雲集賊始遁

當邑僻在山陬西望巫峽北界鄖陽萬山險峻

繇互二千餘里介乎川陝之交為自古盜賊出

沒之路恃險負固時出為患葺爾一邑適當其

衝往往受禍最先而又無險可守及大軍進勦

取道於茲挽粟飛芻疲於奔命明季之亂村落
幾墟

國家休養生息二百餘年矣而流離未盡復生齒
未盡蕃也魯語云瘠土之民莫不向義勞也當
邑地瘠民勞則風俗之醜樸也宜哉

當陽縣志

卷之六

武備

兵事

二十六

當陽縣志卷六終